



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmvla Casvvm Conscientiae De Sacramentis

Gretser, Jacob

Ingolstadii, 1611

De Cæremoniis Baptismi.

urn:nbn:de:hbz:466:1-40295

De Caremoniis Baptismi.

QVÆRITVR XXIX. Vtrum adhibendæ sint aliqua caremoniæ baptismum antecedentes, comitantes, & subsequentes. Respondet Calvinus lib. 4. Instit. cap. 15. sect. 19. *Quod ad externum symbolum pertinet, utinam genuina Christi institutio valuisset quãtum par erat, ad cohibendam hominum audaciam. Quasi enim res esset contemptibilis, ex Christi præcepto, aqua baptizari, inuenta est benedictio, vel potius incantatio, quæ veram aqua consecrationem pollueret. Additus postea cereus cum chrismate; exsufflatio verò ianuam ad Baptismum aperire visa est. Etsi autem me non lateret, quàm vetusta sit aduentitia huius farraginis origo, respuere tamen mihi & piis omnibus fas est, quidquid ad Christi institutionem addere ausi sunt homines. Cùm autẽ videret Satan stulta mundi credulitate absque negotio ferè inter ipsa Euangelij exordia receptas esse suas imposturas, ad crassiora ludibria prorupit; hinc sputum & similes nugæ palam in Baptismi probrum effra-
vi licentia inuecta.*

*De his ritibus
lege Bellarm.
lib. de Baptis-
mo cap. 24.
& seqq.*

Beza in Apologia contra Franciscũ Balduinum. *Nec spõsiores, nec stipulationes, nec fidei professiones sustulimus; imò verò illos, non dicis caussa, sed idoneos & legitimos; istas verò longè magis expressas & accõmodatas adhibemus, quàm si vestrum illud ABRENVNTIO, & CREDO, quod veteribus multis meritò absurdũ visum est in infantium Baptismo, à vestris verò uullo modo intelligitur, retineremus. Preces etiam non alias, quàm ab omni superstitione puras, & verbo Dei consentaneas concipimus. Formam autẽ Baptismi qualem Christus mandauit, vsurparunt Apostoli, & purissima Ecclesia obseruauit, sedulo obseruamus. Itaq; quid hic requiris? exorcismos, unctiões, cereos, sputa, cruces, & quid non? At tu, transfuga, potius abi in malam crucem, quàm Ecclesias nobis à Deo cõmissas istis sordibus rursus inquinari patiamur.*

*Vide eundem
Bezam epist.
8. & 12.*

An-